

ΠΡΟΣΦΩΝΗΣΙΣ

CLASSIVM

ET

ECCLESIARUM

ZELANDICARUM

Ad

ECCLESIAS  
ANGLICANAS

Intestino bello perturbatas.


Impressum juxta Exemplar Londinense, quod excu-  
debat E. G. impensis Iohannis Rothuvel, ad insigne Solis  
sub Cœmeterio Paulino. 1643.

LIBRARY OF UNION  
THEOLOGICAL  
SEMINARY  
NEW YORK  
JAN 10 1864  
H. M. ALPIN.

18.6 x 15 cm  
14 p

Προσφώνησιν hanc Classium & Ecclesiarum Zelandicarum , ad Ec-  
clesias Anglicanas intestino bello ( heu misere ) perturbatas,  
Christianæ φιλαδελφίας, & fraternæ de rebus nostris sollicitudinis  
τεκμηρίον, luce dignissimam, & typis mandandam Iudico

*Jacobus Cranford Ecclesia Christophori  
apud Londinenses Rector.*



NOV 25 1944

## Menander.

Ω' ἡδὺ γ' ἐν ἀδελφοῖς ὁ μονοῦς ἔρως.

**R** Everendi, Honorandi, ornatissimi viri, fratres in Christo dilectissimi, Ecclesiarum Angliæ pastores; vosque omnes fideles, qui nomen Iesu in Regno illo ex una nobiscum fide invocatis. "Gratia domini Iesu Christi, charitas Dei, & communio Spiritus Sancti sit cum vobis omnibus. Amen."

Ingenti animi mœrore, mœstoque timore accepimus diffidia & tumultus intestinos, varios casus & discrimina rerum, quibus concutitur & regni & Ecclesiæ apud vos status: quod

"Bella geri placeat nullos habitura triumphos."

Et eousque discordia cives perduxerit miseros, ut in propria viscera crudeli dextra jam sæviant: quodque omnia inter Regem Serenissimum, & supremum Regni Senatum, omnesque subditos ira perturbata sint, ut nulla jungendis animis spes jam affulgeat. Quæ certè non modo regnum illud florentissimum, mundi delicias, vastare & in solitudinem & cineres convertere; pacatum felicitis populi statum in turbas conjicere, & funditus evertere valent: sed & reformatæ Ecclesiæ, martyrum sanguine in regno vestro fundatæ & irrigatæ ruinam, & sacro-Sanctæ nostræ religioni perturbationem minantur. Quis talia fando vel audiendo temperet à lachrymis? Nos certè condolentiam nostram Christianam vobis testari, casusque vestros fraterno amore defflere, & non ignari malorum, omni consilio, prece, consolatione, & pro viribus vobis miseris succurrere intendimus. Quod Ecclesia non secus ac in undoso mari variis tempestatibus jactetur; quodque à primordiis suis subinde non solum externè oppugnata fuerit, ac infestis habuerit impios, qui super dorsum ejus araverunt, longeque protaxerunt sulcos suos: verum etiam innumeris malis intra se variè laboraverit, omnibus penè sæculis innotuit. Rarè enim Dei Ecclesiam expertem viderunt homines injuriis eorum, quibus nihil magis sedet animo, quàm oppugnandæ puræ religioni omnè vim & machinas admove-re; ut ea radicitus excisa insolentius in quolibet impios cultus & scelestos mores sese effundant. Indè ab ipso mundi exordio postquam [Cain] nefario scelere fratrem [Abelem] de medio sustulisset, piorum cœtus assiduus incurfibus vexatus, rapinis expilatus, subindeque tyrannica violentia propemodum oppressus, inter maximos terrores atatem exegit: ut & tum intestinis tumultibus, tum principum suorum horrendis sceleribus variè concussus & exagitatus fuit. Et postquam sub novo testamento hujus sæculi homines, ipsius Christi sempiternæ vitæ principis de testabili cæde, sce-

Ietissimas manus cruentaverant; & in ipsius cultores Christianos pervicacissimam rabiem converterant, insecuta est totius orbis conspiratio ad delendam Ecclesiae memoriam; & domus Dei inmani Caesarum tyrannide icta, ferocissima saeva crucis flamma correpta fuit. Neque exiguo tempore hoc persecutionis incendium continuatum. Postquam verò Romanum imperium fasces Christi Regno submiserat, videri quidem poterat beatæ quietis sol aliquis Ecclesiae illuxisse, ut ex assiduus terroribus ærumnisque sese colligeret; verum aegrè eluctata incidit in imperatores Arianos: sub quibus hæretici ferè & perfidi homines ubique rerum potiebantur; probi verò fidelesque pastores, Ecclesiis suis exturbati solum vertere, ignotasque regiones petere exilii causa cogebantur. Quibus malis interposito aliquot annorum spatio, alia non minus gravia successerunt. Pontifices Romani infestant Ecclesiae intima viscera horribilem in modum: nam exteris domesticisque subinde ad arma stimulis, effecerunt ut orbis Christianus sæpe cadaverum stragè ceu pavimento sterneretur. Quantum eorum certamina cum piis sanguinis Christiani hauserint, quantasque Ecclesiarum dissipationes fecerint, nulla mens humana comprehenderit, nedum vox alicujus, quamlibet fumam dicendi copiam facultatemque consecuti, pro rei magnitudine dignè exposuerit. Antiquum obtinent antiqui hostes filii primogeniti, Antichristianismi antistites, qui immanissimam tyrannide ubique Ecclesiam sibi magis magisque subigere & omnibus sub jugum missis, apertum Evangelio Christi bellum indicere student: & hoc clandestinis & apertis machinationibus moluntur, sursum ac deorsum omnia barbaro furore disturbantes & miscentes, ut sibi tyrannidem per infinita scelera acquisitam, in omnia regna & Ecclesias ferro & igni stabiliant. Quamvis igitur hodie Satanæ artificio in Regno & ecclesiis vestris turbas subseri videamus turbis, ac magnos & decemanos fluctus surgere, qui Christi nomen & Evangelium infament, exosumque aut certe suspectum reddant: vestrum tamen est consideratione Consilii Divini, & exemplorum omnis ævi, manifestè docentium semper Ecclesiam cum illis malis conflictatam fuisse omnium obstaculorum impetum fortiter sustinere: & standum est infracto animo, neque cedendum ad intercurrentem aut adversantem aliquam sortem, quæ à Pontificis molitionibus obvenire posset. Quanquam quæ ex ipsius Ecclesiae sinu mala erumpere consueverunt, magis turbandis fidelium mentibus, fortiusque concutendis apposita videmus. Quemadmodum enim civitati, quæ obsidione cingitur plus periculi imminere constat à sceleratorum proditorum, qui intra ipsam sunt, insidiosis consiliis & molitionibus; quàm externorum hostium aperta violentia; ita longè Ecclesiae periculosiora, quæ intra ipsam enascuntur mala, quàm quæ exterius irrumpunt, ac palam impetum in eam faciunt. Veruntamen & hic ex pavore recipiendi animi: Quam enim nullum sæculum assignari possit, in quo Ecclesia expers interiorum ærumnarum fuerit; & nihilominus huc usque contra omnes inferorum portas stabilis permanferit,

rit, ejicienda est illa animi teneritudo ac mollities, qua nonnulli, ac si jam de Ecclesia conclamatum esset, extrema quæque attoniti expectant. Et cum Deus sapientissimo suo Consilio decrevit, suos per multa certamina & pericula, multasque tribulationes in Regnum suum introducere, quælibet adversa & aspera invicto fidei robore pervadenda sunt, donec perfecta nostri exploratione, exitum exoptatissimum & mercedem cœlestem reportemus. Cum si æqui dextrique omnium, quæ Dei ecclesiæ accidunt, interpretes simus; unde retrocedendi occasionem quidam arripiunt, id vobis stabilis in vera fide plurimum conducet. Quod enim innumeris in malis, & variis persecutionum laboribus in hunc usque diem perster Ecclesia, annon hinc Divinitus eam protegi ac servari certo argumento colligamus? Si ipsa propriis præidiis instructa, suisque opibus innixa obstacula omnia discuteret, terreni Regni instar esset, & humanitus regi defendique videretur: nunc cum toties à malignis hostiliter impetita, toties à falsis fratribus divexata, toties immensa malorum mole pæne obruta, etiamnum perennet, ut patiendo vicisse videatur; cæcus fuerit, qui non animadvertat hinc luculentissimū divinæ providentiæ specimen; in cujus contemplatione ad celebrandum Dei bonitatem assidue versemur. Utcunque igitur in hoc mundo premi Ecclesiam videamus, in promptu tamen illud sit, clementissimum patrem nunquam permissurum, ut oppressa deficiat; sed effecturum potius, ut quibuscunque malis infestetur, tamen sub crucis ignominia triumphet. Præterea æterni patris ordinatione cessit Christo in medio inimicorum inexpugnabilis dominatio, ut quoties agitur inter varia pericula & discrimina, in ejus potentia securè recumbere discamus. Gymnasium igitur hic nobis apertum, in quo fides, spes, & patientia nostra magis magisque formari possint & firmari. Exercetur eadem ratione in nobis humilitas, nominis Divini invocatio, mundi despectio, aliæque virtutes, quibus paulatim in sanctificationis opere progressi, ad extremā usque metā cū timore & tremore salutē nostrā operemur. Adeo enim pace vel paululum se ostentante, in licentiam & socordiam effundi proni sumus, ut etiā, cū sub formidolosis gravissimisque vexationibus Dominus nos constrictos teneat, plerorumque tamen passim animos luxuriare videamus. Quid fieret si confluentibus rebus prosperis, liberè exultandi occasio undique nobis in sinū offerretur? Itaque in memoriā fidelibus veniat, crucis disciplina nobis in officio continendis nihil æquè necessariū magisque accommodū unquā destinari à Deo potuisse. Interea verò quando iudicia Dei experimur, sollicitudinē retinendæ veræ fidei, & perficiendæ sanctificationis requiri in nobis repute mus; ut Consilii Divini intuitu armati contra quælibet offendicula, tandē in cœlestē gloriā penetremus: hæc enim est Ecclesiæ conditio, per quā placuit Domino suos multiplici experimentorū viā, ex corruptæ naturæ impurissimo cœno elicitos, ad veræ resipiscentiæ fructus, æternæque beatitudinis fruitionē perducere: durate igitur charissimi fratres. &

--- compositementes,

*Ad magnum virtutis opus summosque labores.*

*Es pati vel qua tristissima pulchrum ducite. Nec abjicite fiduciam & liberam illam professionem vestram, qua magnam habet pramii retributionem; nam tolerantia vobis est opus ut voluntati Dei obsecuti reportetis promissionē. Accinctæ sunt vobis in auxiliū omnium Ecclesiarū nostrarū manus supplices Deo in cælū expansæ, implorantes Dei optimi maximi opē, ut vobis succurrat, & misereatur perturbatæ Ecclesiæ. Αδελφίαις enim quā privatim, quā publicē, tristissimi vestri casus recordamur corā Deo: & è suggestu pro concione obtestamur, multisque rationibus hortamur auditores, ut sacris cunctis, humillimis supplicationibus, ut compassionis lachrymis privatim rē vestrā cōmendent Deo. Et in publicis precibus post conciones ferventi zelo εὐνοῦμαδὸν oramus, ut avertat Deus omnipotens à cervicibus vestris tempestatē & cladē imminētē, & det finem incumbentiū laborū; Ne permittat perrumpi maceris vitū suū, quā plantavit in Regno vestro dextra ejus, ne carpant eam viatores, nec suffodiat eam aper sylvestris, neu depascat eam animal agreste. Curisque ingentibus ægri omnē movemus lapidē, ut publicē jejuniōrū & supplicationū dies per provincias nostras, pro pace, & quietā concordia vestra indicantur; hoc verbis, hoc scriptis, hoc per Ecclesiarū legatos obtestamur, & fatigamus potentes & nobilissimos proceres, Ordines nostræ Zelandicæ provincię, & omnium provinciarum, ut edictis ipsorum autoritate promulgatis compellantur omnes eorū subditi, ut perdurantes unanimes in oratione & deprecatione, cum extraordinarias, tum ordine recurrentes supplicationum dies celebremus; usque dum tempestas & Ecclesiarum vestrarum perturbatio transeat, & placidā pace composita quiescat. Hoc enim omni ope annitimur vi sanctæ nostræ communionis, quia vobiscū corpus unum sumus de conscientia religionis, & disciplinæ unitate, & spei fœdere, ut alibi scitē Tertullianus; inmemores enim sumus exempli Ecclesiæ Apostolicæ, in quā πρὸς ὅλην τὴν ἐκκλησίαν γινόμενῃ ἐπὶ τῷ Θεῷ, cum singulare aliquod membrum duro persecutionis telo pressum, in periculis versabatur: quanto magis precū subsidio est opus, cum tot tantæq; Ecclesiæ florentes turbarum fluctibus concussæ, ruinam minantur? Et certioratā fide speramus Deum è cœlis, è sanctitatis habitaculo benignè auditorum fidelium vota, cum energieā, Zelo & humili respiciētiā pro fratribus oppressis oblātā: & respecturum sortem vestrā turbatam, vultu, quo tumultus populi tempestateque serenat: Nam oculi Iehova ad iustos, & aures ejus ad vociferationem eorum. Quin & Christus Iesus Rex & Dominus Ecclesiæ hæreditatis suæ, tempore accepto, vestrum in auxiliū accinctus succurret rebus vestris afflictis: ipse pacis princeps pacem dedit terris, & juxta san-*

sancta prophetarum vaticinia confert suis "Cor unum & viam unā". In rebus humanis & quæ naturæ modum non excedunt, vix aliquam animorum & actionum confensionē, in duobus tribusve amicorum paribus, vel vidit, vel audit antequam: Ejusdem Civitatis incolæ, ut idem omnes sentiant, idem velint, humanā vi & industriā nunquam perfici potuit. Divino tamen munere, potenti intercessionē mediatoris in tantā Nationum varietate, tot Regiminum discrepantia, tantā morum & linguarum dissimilitudine, tot animos velut in unum conflare, ut ad res divinas simul aspirent, & se mutuo complectantur, ostendit colligatio omnium fidelium in Spiritus unitate; quā omnes & singuli Ecclesiæ filii genuini per totum mundum dispersi, ita coalescunt, ut unus ipsi, *quisque unus sibi per integritatem virtutis, & unum cum proximo, per vinculum dilectionis*; ut recte Bernardus. Ad hunc igitur nobiscum confugite, & supplici prece efflagitate, ut disruptam inter vos animarū concordiam restauraret, ut luctantes animos imperio frænet, tumultuantium fremitus molliat, & temperet iras in regno ejus, Ecclesiis vestris, exortas. Ipse precioso sanguine pacem vobis acquisivit; hæc terras in cælum subvectus, derelinquens pacem testamento Ecclesiæ legavit; & ut benignus sacerdos in Cælis, ut & in terris, efflagitat, ut charitatis vinculis colligati, unū simus, *Pater sancte, inquit, serva eos in nomine tuo, quos dedisti mihi, ut sint unum, prout & nos, & non pro illis tantum rogo, sed pro iis qui per sermonē eorum credituri sunt in me, ut omnes unum sint, sicut tu pater in me, & ego in te, ut & ipsi in nobis unum sint*. Fidamus igitur promissis & precibus pacifici nostri Regis, qui prospiciet laceris & quassis Regni & Ecclesiæ vestræ rebus: ille reget annos & pectora mulcet, Regum etiam spiritus constrictos tenet, *flectit ut rivus aquarum, in medio inimicorum dominatur*; & cū sævit animis ignobile vulgus omnesque potentes, irrita reddidit consilia malignantium, ridet & subannat eos; placat intra Ecclesiæ septa tumidos furores, coortas fugat seditiones, pacifque solem reducit. Sperate igitur Reverendi viri finem turbarum exoptatum ab eo, *qui compevit strepitum marium, strepitum fluctuum eorum, & fremitum Nationum*.

Sed hoc, dilecti in Christo, sedulo eniterdum ut turbis hisce deturbentur & expurgentur ex Ecclesiis vestris vitia sæculi, inquinamenta mundi, verus superstitionum fermentum, aliaque atrocita & clamantia peccata, quæ divinam vindictam provocant, omnesque turbarum & ærumiarum tempestates excitant. Calamitates enim quæ vitiorum cænum abstergunt, & morbidæ animæ medicamina sunt, castigationes sunt salutiferæ, à paternā & benignā manu misipientis Dei inflictæ, quæ perniciem avertunt, omnia sausta & salutem inducunt. Et certè finem hunc intendit clementissimus Deus, ut paternis suis judiciis emendet Ecclesiæ nævos, & rectificet deviantes trames.



Et hoc imprimis urgemus, honorandi viri, ut hâc occasione arreptâ omnes supersticiosos, & idolomania contaminatos ritus eliminetis ex Ecclesiis vestris, & religionis cultu. Deformant enim, non honestant Dei Ecclesiam & Cultum, & gloriosâ Reformationis faciem, & faciem apud vos obscurant, & dedecorant: ornamenta meretricis Babilonicæ, anus fronte rugosa, conquirenda non sunt, ad ornandam Sponsam Christi, immaculatam & formosissimam Virginem. Virginem ducere oportuit Sacerdotem Domini, & animal offerre, quod nunquam jugum tulit: sic Virgineus ritus vult Dominus, qui ab Antichristo nunquam sunt inquinati, nec sub illius jugo unquam arârunt. Cæremoniæ enim illæ hæcenus in Ecclesiis vestris retentæ, & tempore adauctæ, si non alio, hoc saltem nomine expurgandæ sunt, quod meretrix Romana iis ad suas tegendas scortationes, & ad alliciendos homines venenosos ad scortandum abusa sit, & adhuc abutatur. Quid enim sunt pompæ istæ omnes & cæremoniæ Papisticæ, quàm fuci meretrici, ad hoc excogitati, ut homines ad spiritualem scortationem alliciantur: Turpe igitur est iis exornari cultum & Ecclesiam Christi. Inutiles illæ elegantię larvæ, omnesque cæremoniæ in quibus nihil inest, præter inane oblectamentum, præter luxû sine fructu & theatricum apparatus, Iudaicam, Turcicam & Ethnicam superstitionem, ubi illæ olim, & etiamnum hodie vigent, potius decent: Christiana verò religio & Cultus illas tolerare nequit. Nec possunt cum Ecclesiæ statu spiritali, & pauperrimâ ejus sorte & conditione subsistere. Superstitio cæremoniarû mater sumptuosa est; id scilicet scortatio spiritalis cum scortatione corporali commune habet, utrique fucio, ornamentis & illiciis opus est, quæ sine sumptuoso apparatu comparari nequeunt. Et certè Ecclesia quæ supersticiosas & idololatricas Cæremonias induit, superstitionis & idololatriæ est particeps: nec vel signo aut specie quidem communicare nos, cum superstitione pietati adversa oportet: Cultus enim Cæremoniæ sunt protestationes fidei: & communio rituum est symbolû Communionis in religione. "Nonne qui edunt victimas consortes sunt altaris?" Inquit Gentium Apostolus. Quantû etiâ conferant Cæremoniæ istæ ad publicâ Ecclesiæ pacem & unitatē turbandâ & scindendâ docet præsens rerum vestrarû Catastrophe, & nuperi Ecclesiarum Scoticarû motus; quorum occasione prebuere & pars magna fuisse ritus papistici. Quot & quantæ obsecro turbæ & rixæ in primitiva & reformata Ecclesia excitatę fuere, cû magno pietatis detrimento, & cursus Evangelii retardatione, per superstitionû Ritus & Cæremonias inductas? Et quanta mala dedit hoc diffidiû? Exempla quę passim in historiis Ecclesiasticis occurrunt, satis apertè & dilucide confirmant, quod dico. Et quid opus est verbis, cum rerû testimonia adsunt? Instruit crudelitatis & injurię in Ecclesię Ministros & filios fuerunt Cæremonię Ecclesię Anglicanę, pretextus fuerunt improbę malitię, occasiones fuerunt deponendi, deprivandi, incarcerandi, & in exilium relegandi dignissimos & optimos Ecclesię pastores, aliosque tetra dominandi libido ab Episcopis adhibita,



hibita, in piis & probis, caeremonias & reliquias papatus fastidientibus, examinandis & ad conformitatem (ut ajunt) cogendis; pœnæque iis inflictae, manifestò palam reddunt quantam tyrannidem invexerint in Ecclesiam Dei caeremoniarum Regni vestri. Cum quispiam clanculum aut publico Scripto, quædam contra tetram Episcoporum dominationē, Prælatorum excessus aut defectus, Ecclesiasticorum simoniam & luxum, aliasque corruptelas Ecclesiæ Anglicanæ protulisset, inquisitio armatâ vi in eum facta, ac si crimen læsæ Majestatis commissum. Non sunt hæc arma Sacerdotum spiritualia, sed carnalia, quæ superioribus sæculis Reges terræ tradiderunt bestiae, hæc non est virga discipulorum Christi, quæ virga dilectionis est, sed virga ferrea, quæ conteruntur vasa Domini: hæc crudelitatis instrumenta, illata in domum Dei, execranda sunt ab omnibus, qui pacem Hierusalaimo optant, & Christianæ compassionis viscera gerunt: quoniam à Christo mansuetissimo Dei agno, non perfecta sunt, sed ab Antichristo, cui datû est bellum inferre in Sanctos. Certè viscera misericordiæ, benignitatis, animi submissionis, tolerantiae, quæ Apostolus requirit, in omnibus Christianis, respuunt crudelitatis illa instrumenta. Si nullum aliud iniquitatis monumentum Iesu Christi oppressio per caeremonias exorta, ex abundanti sufficeret ad omnes illas ex Ecclesia eliminandas. At præter hæc fidem conspurcant, & religionem maculant, professionem nostram infamant & suspectam reddunt; Ecclesiæ Dei offendiculum obijciunt; Alios tristitiâ afficiunt; alios in viâ salutis retardant, alios ad ruinam inducunt & disponunt; hostes in errore confirmant, & efficiunt ut glorientur & gestiant animo, cum vident trophæa damnatæ suæ Sectæ erigi in Ecclesiis Dei: & nihil aliud in omnibus fidelibus producant, quàm tristitiam & dolorem, tristemque servitutem, quæ letæ spiritus libertati plurimum obest, & privat libertate quæ à Christo donata est. Iugum igitur hoc excutiendum, nec diutius cervicibus vestris incumbere patiendum. Huic & libertas Ecclesiastica in spirituali Ecclesiæ regimine & Ecclesiasticis ministeriis est adjungenda; nec ferendum si fieri potest, ut amplius Episcoporum factus & tetra dominatio depascat Ecclesiam Christi ejusque regimen: tradidit Ecclesiam Regnum suum Christus regendam, non dominante Episcoporum autoritate, sed pastorum & presbyterorum ministerio, & communi consilio. Quod adeo certum est, ut Controversiæ hujus finiendæ spes, certa & facilis affulgeat, si omnes huc attulerint fidem, non affectum; candorem non acumen; nec tam consuetudine, quàm jure se communiant. Si enim non solum intueamur primitivæ Ecclesiæ politiam, priusquam sub Christianis principibus, "potentia & divitiis major (loquor cum Hieronymo) virtutibus minor facta fuit": verùm etiam attentius ponderemus, tum gravissima aliquot minimaque ambigua præstantium Doctõrû Ecclesiæ testimonia, quibus splendidissimam faciem huic evolvendæ quæstioni prætulerunt; tum vero maximè S. Scripturæ hac in parte singularem evidentiam: & non tam ab in-

veteratâ consuetudine, & hominum constitutionibus quàm à Scriptis legibus, & solius sacræ Scripturæ arbitrio causâ definitionem & præsidium mutemus, “ memores debere nos à iudicio veritatis magis quàm à præiudicio consuetudinis doceri, “ ut Augustini monitum habet; facile infelix hoc certamen de regimine Episcopali in Ecclesiis Orthodoxis dirimi posse non ambigemus: fidem faciunt innumera recentium Scriptorum testimonia & Scripta publica, in quibus presbyterialem politiam, æqualitatemque pastorum asseri, & Episcopalem *ἡγεμονίαν* everti videmus, rationibus depromptis ab institutione Christi, praxi Apostolorum, qualitate ministerii, officio ministrantium, suffragatione Patrum, & Ecclesiarum confessionibus. Cum igitur Episcopalis *ἡγεμονία* non Divinæ sed humanæ institutionis sit, in reformatas Ecclesias non est inducenda nec toleranda, quoniam gravissimis malis in Ecclesiam inducendis olim viâ patefecerit, & etiamnū hodiè in papatu reformationi consiliisq; melioribus morâ faciat, & facile præsertim in Ecclesiâ (ubi in altius fastigium sese attollere cupientibus, minus est obstaculi) in dominationē abeat, & hinc in tyrannidē, quâ nulla unquâ deterior aut perniciosior pestis in Dei populū incescit. Nolumus hâc in re refrigerare Regni vestri vulnera, sed omni Christianâ moderatione sanare porius, aut certe fovere & obligare, cum animo statutum habemus. Nostis quid Ecclesiæ vestræ à fastuosa quorundâ Episcoporum dominatione passæ sunt nuperrimè, quam miserandâ religionis faciem, quam deformē Ecclesiastici regiminis formâ, disolutam vitæ disciplinam, & prophanū Sabbati cultusque Divini contemptum induxerit. Iugum illud Divino auxilio, cælitis *Σὸν μνηστῆρα* dimisso, jam ferè excussum, rursus inducere vesanæ ingratitude esset, cum colla subducere datur. Rogamus igitur & obtestamur per mutuam nostrâ fidē sanctam, per Christianam & unicâ nostrâ religionē reformatâ, & fraternâ nostrâ charitatem, quam retinemus per vinculū pacis in unitate spiritus, ut & regimini ecclesiastico reformando incumbatis: & æquo iudicio coram Deo pensitetis, an vobis non expediat, an publicæ ecclesiarum vestrarū ædificationi non inserviat, an concordiæ & unitati religionis nostræ non conveniat; ut unam & eandē nobiscū, & aliis Galliæ, Scotiæ, totius Belgii, &c. Ecclesiis gubernationis Ecclesiasticæ politiâ assumatis, utpote quæ Apostolici ævi simplicitatē sic æmulatur, ut quàm proximè ad eam accedat. Faxit Deus ut omnis diffidii materies inter nostros, & calumniandi ansa ab hostibus etiâ hâc in parte tollatur: & Ecclesia reformata hîc etiâ sit “ acies quadrata terribilis.

Hæc cum suademus, dilectissimi in Christo, nolumus turbas, diffidia, multo minus bella vestra excitare, promovere, aut fovere. Testamur enim coram Deo, quòd maximâ animorum perturbatione, & dolore medullitis hærente, exaudimus Anglicanum “populum potentem,

In sua victrici conversum viscera dextra  
Cognatasque Acies & rupto fœdere Regni  
Certantem totis concussi viribus orbis  
In commune nefas.

Sed

Sed hoc intendimus, ut turbarum & dissidiorum materies succidatur, modis & mediis legitimis tollatur: ut Ecclesia ab omnibus humanis corruptelis & fastu mundano purgata, securâ pace quietâ perster. Et suademus, imò supplices oramus omnes Christi Ecclesias omnesque fideles, qui aliquid in Regno vestro valent, ut summis viribus omnem operam adhibeant, ad turbas exortas sedandas & componendas. Iungite nobiscum & animos & preces, vota, obtestationes, & lachrymas, ad Deum, ad homines (hæc enim sunt arma Ecclesiæ) ut amicitiae dexteras jungere, & fœdere sancto coire velint partes dissidentes. "Omne quod est, tamdiu manet & persistit, quandiu est unum": axiomatis hujus Philosophici omnium temporum experientia in cōmuni rerum natura, in singularum cujusque generis vel duratione, vel interitu, veritatem comprobat. Cuncta naturalia quæ mente, quæ oculis intuemur, quandiu inter se pacata & tranquilla sunt, seseque naturæ suæ finibus continent, nec benevolentiae illa vincula abrumpunt, quibus, artifice verbo, rerum universitas constricta est; tandiu munda, valida & pulchra consistunt: at simulatque mundi machina pacata & quietâ definit esse, mundi verum nomen & omen amittit: eadem res etiam locum habet, in populis, urbibus, cœtibus, exercitibus, familiis, classibus, conjugis, & sodalitiis: quæ omnia ut pace conservantur, sic discordiâ & seditione penitus evertuntur. Nihil enim melius, nihil dulcius, nihil sanctius sincerâ hominum inter se concordiam; quod non solum vera ratio dictat; sed omnium etiam sanorum hominum prudens testatur experientia, quæ respublica non censetur beatissima, cujus cives se mutuâ complectuntur benevolentia? Quodnam quæso regnum rapinæ hostium, & prædæ expositum fuisse proditur unquam, in quo illibatus manserit civium amor? Hinc Titus Quintius apud Livium, adversus consentientes, nec Regem quemquam satis validum, nec tyrannum fore, asseverabat: nec minus prudenter Micipsa morti proximus sic apud Sallustium, filios suos affatus est, Regnum trado vobis firmum, si boni eritis; si mali imbecillum. Nam concordiam res parvæ crescunt, discordiam maximæ dilabuntur.

Hæc arte crevit in initio Ecclesia Christi, unitate nempe & pace, hæc enim est ejus utilitas, ut vates cecinit, "quod Deus illic mandet benedictionem & vitam". Benedictionem nempe præsentis & futuri sæculi; & vitam spirituale, vitam gratiæ, vitam ex mortuis, vitam æternâ. Novit Satanas acutis telis suis impenetrabile esse Ecclesiâ, nisi seipsam diffundat: unito Ecclesiæ corpore, acies ejus retunditur & hebescit; ne quidquam jacula sua se vibrare fremens experiatur, nisi nostrâ culpâ, ut ictus excipiamus, nos ipsos exarmatos & disjunctos hosti feriendos tradamus. Deo & virtutibus caelestibus nihil tã propriû est quâ pugnas & dissidia nescire: & omnes qui pacis bonum complectuntur, eiq; contrariam discordiam & seditionem infensè oderunt ad Deum & Divinas mentes accedunt. Contra qui sunt iis moribus, ut contentionibus gaudeant, ac novitate famam capient, adversæ partis sunt, Satanam imitantes, qui sub discordiæ caligine locum sibi furtim aperit, ut

Ecclesiæ corpus in occulto sagittet. Viperina progenies igitur & ex parte Diabolo sunt, qui conflant, sovent, & promouent discordias vestras, qui inter vos regem regno & regnum regi subducunt. Bella faciendâ & suscipiendâ sunt ut pacem consequamur, nam finis belli pax est: intestinis & civilibus discordiis finis belli ruina est. Græciæ civitates concordēs non Xerxis exercitus terruit, nec Persæ vincere potuerunt, sed cum odio, discordia, & invidia inter se exarserunt, inter se invido concursu certantes, ad parem usque exitii finem pervenerunt.

“Classē immanem, immensam; immania fata minantem.”

Præteritis temporibus concordî spiritui dissipavit Regnum vestrum, Ibericum & Romanum fastum cum hostium ludibrio conculcavit; multa alia, pro communi reformatâ Religione contra Pontificum Romanorum tyrannidein, perenni omnium cum laude gessit: intestinis discordiis flagrantibus, libertatis vestræ jacturam vos facturos vates sumus (utinâ falsi) Et ita vos omnes victores, ante devictis Romanis postea ludibrio & contemptui eritis. Unanimes junctis viribus pro libertate cum hostibus decertantes, religionem & rempublicam tyrannide Pontificiâ oppressam, utramque asserere & vindicare, & assertam utramque tueri & conservare potuistis. Et dum stetit vestra concordia, spem omnem abjecerunt adversarii colla vestra servitutis jugo subijcendi: cum verò hodie turbis inter vos excitatis, male compacta esse corporis vestri membra vident, animos resumunt, ut egregium illud, Regni vestri & Ecclesiæ in Regno, corpus in se ipsum sæviens *ἀντιχριστῶν* occidant vel viribus sub antiquam tyrannicam Pontificis servitutem reducant. Quis non animadvertit hac via cursum Evangelii & puri cultus Dei impediri. Cum illos qui præ cæteris meditari Ecclesiæ, & veræ Religionis restitutionem videbantur, intestinis dissidiis distractos, ac hostiliter inter se commissos videmus; ne conjunctis studiis & consiliis hoc tam præclarum opus unanimes molirentur. Videmus hoc tempore Papistas, Jesuitas, toto terrarum orbe vires & manus conjungere & quidquid possunt suis copiis adjungere, operas inter se partiri ut papalem tyrannidem, & conscientiarum carnificinam, & falsæ doctrinæ corruptelas quantum possint promoveant ac propugnant. An genuini Ecclesiæ filii, quo tempore eam vident à tot adversariis conferri impeti, non debent alii alios juvare, procul omni contentione remotâ? Ne privatis dissidiis impliciti communem fidem negligant, & aut prorsus amittant, aut in periculum adducant. Nutat fidei puritas & Religionis firmitas apud vos, si tantus sit amor fortunam belli experiri, ejusque alæ subire. Membra estis unius corporis, at membra inter se pugnare, monstri simile videtur. Qui animâ unâ & spiritu uno aluntur & reguntur discrepare inter se non solum fœdum est, sed & perniciosum. In eadem familiâ estis, unum communem habetis Dominum, Christum in Ecclesiâ, Regem in Regno, qui in unâ domo morantur, concordēs esse par est. “Utinam excindantur qui vos perturbant! Iudicabit Dominus (sunt Irenæi verba) eos qui schismata

mara operantur, qui sunt inanes, non habentes dilectionem, suam utilitatem potius considerantes, quàm unitatem Ecclesiæ: propter modicas aut quasi-ber causas magnum & gloriosum corpus Christi conscindunt & dividunt & quantum in ipsis est interficiunt, pacem loquentes & bellum operantes. Ex latebris in publicum protrahet quandoque Deus (si quod pios respectet numen & si quid uspiam justitiæ est) omnes eos qui sub falso & fucoso justitiæ, pietatis, Religionis, fidelitatis & obedientiæ nomine & prætextu Ecclesiæ unitati & incolumitati non parant, ut hujus sæculi fumos, mundanos honores & utilitates suas consequantur.

*Sigenus humanum & mortalia temeris arma,*

*At sperate Deum memorem fandi atque nefandi.*

Quisquis sit in Regno vestro, aut ubique terrarum,

*Tros Tyrusque fiet nullo discrimine habetur,*

Qui oleum Camino addit & frigidam suffundit in hoc perturbationis & turbarum incendio, quo flagrat Ecclesia & Regnum vestrum, annunciamus ei edium Dei, quod incumbit iis, qui inter fratres discordias seminant, & vindictam divinam, quæ quamvis serò, tamen tacitis certò venit pedibus. Et nos, fratres Angli, obtestamur vos in nomine Iesu iudicis omnium, ut non fucati, sed sincere; non timide, sed confidenter; non tardè, sed citò; cum omni diligentia, pacis amore, mutuâ reverentiâ, & Christianâ *impreca* contri-  
buitis quicquid vestrarum est virium ad pacem Regni vestri, ne lacera labra latius dehiscant, sed potius consolidentur. Hora vos vocat, jam ædes proximi ardent, diverso tumultu miscetur regnum vestrum,

*----crudelis ubique*

*Luctus, ubique pavor, & plurima mortis imago.*

Si hîc quispiam otio langueat, incendium ad ejus quoque otio torpentis ædes citò perveniet. Quantum igitur quisque potest vel oratione, vel re, vel consilio, vel autoritate, vel precibus, vel imperio, tantum debet discordes in concordiam reducere. Quantis laudibus extollendum exemplum ejus, qui Episcopos Constantinopoli litigantes his verbis demulcebat; "Si vobis ullo modo dissidi causa sum, Ionam Propheteam integritate vitæ non supero; projicite me in mare. & tumultuum tempestate agitari desinetis: quidquid vobis visum fuerit, tamen si à culpa immunis, libenter perpetiar: siquidem hâc ratione concordia vestra repræsentari & refarciri possit, throno detur-  
bata, urbe ejicite, tantum veritatem & pacem (ut cum Zacharia loquor) amate". Utinam in Regno vestro talis sit animus Episcopis aliisque, qui dissidia vestra extruunt & fovent. Beatos Christus pronuntiat pacificos, qui ipsi pacem amantes, inter alios eam conciliare student.

Dilecti fratres obnixè rogamus, ut hanc nostræ amicitiae & sanctæ communionis tesseram suscipiatis benigno, eoque animo quo vobis exhibetur. Studium hoc nostrum in vos probatum Deo esse certè confidimus: vobisque

probatum iri etiam speramus. Oltm nostris morbis remedia efficacissima parastis, cum intestinis de religione diffidiis flagraret patria nostra; ope etiam vestra, vulnera nostra curata, & morborum reliquæ depulsæ sunt: & vos igitur eodem in morbo hærentes à nobis curari sustinete: gratitudinis studio par pari referre conamur: & ejus animi & indolis sumus, ut malimus tollere lites quàm instituire. Et tu clementissime Deus, Deus pacis, concordis ordinis & non confusionis Author: spiritus tui communionem & mutuam concordiam aduni animos fratrum nostrorum dissidentes; tolle diffidii semina; flecte Serenissimi Regis & procerum animos in amorem fraternum: ut in Ecclesia nulla sit in religione dissensio, nulla voluntatum discrepantia, nullum morum ac vitæ diffidium: & in Regno omnia sint pacata & tranquilla. Amen.

## P S A L. CXXXIII.

*Ecce quam bonum & jucundum fratres habitare in unum.*

*Επιφώνημα. Nazianz. Orat. 19.*

*Pax amica: meditatio mea, decus meum, quam Dei, cujus Deum, & Deum esse audimus; ac ne sic quidem eam reveremur! Pax amica, bonum ab omnibus laudatum, a paucis vero conservatum; ubinam tanto jam temporis spatio nos dereliquisti? Quando ad nos reditura es?*

## VIRGILIUS.

*Nulla salus bello pacem te poscimus omnes.*

*Nomine Classium & Ecclesiarum Zelandicarum votum, consilium & consolationem hanc ad Ecclesias Anglicanas transmittimus nos Classium & Ecclesiarum ad hoc negotium Deputati.*

Gulielmus Apollonii *Ecclesia Middelburgensis Pastor.*  
 Gideon van Deynse *Pastor Ecclesia Veriana.*  
 Iodocus Larenus *Pastor Ecclesia Vlissingensis.*  
 Isaacus Hoornbekius *Pastor Ecclesia Middelburgensis.*  
 Daniel Suavius *Pastor Ecclesia Middelburgensis.*  
 Godefridus Vdemannus *Pastor Ecclesia Zirizeana.*  
 Petrus Laccherus *Pastor Ecclesia Zirizeana.*  
 Nicolaus Heystius *Pastor Ecclesia Goesana.*  
 Efdras Vlasimannus *Pastor Ecclesia Iersicana.*  
 Iohannes Boschartus *Ecclesiastes Lilloensis.*  
 Daniel van Middelhoven *Ecclesie Tholanae administrator.*

Library of the  
 UNION THEOLOGICAL SEMINARY  
 New York

